

**2 Mi por lesa**  
**Kon bo ta bira un inventor?**

1.




Hopi mucha ke bira inventor. Ma kon bo ta logra esei? No tin skol pa bo siña pa inventor. Bo por bai serka un inventor konosí sí i puntr'é si e ke yuda bo. Of bo por purba bira un bon inventor riba bo mes.

3.



Si bo ke bira inventor, bo mester siña wak rònt bon. Kolekshoná den un kaha chikitu kos ku bo ta haña bunita òf partikular den bo kurá. Na playa bo por kolekshoná kokolishi spesial tambe. Podisé bo por usa algun di e kosnan ei pa un invento nobo.

2.



Un inventor mester por traha bon ku su man. Bo por kuminsá praktiká ku kos ku ta kibrá na kas. Kiko asina bo por drecha pa mami òf papi? Tin un wèker bieu ku no ta kana bon òf un kònòpi di lachi kibrá? Purba drecha nan.

4.



Pensa i hasi algun eksperimentu. Bo por meskla por ehèmpel diferente líkido ku no ta peligroso i wak kiko ta pasa. Bo a inventá algu straño?



5.



Kòrda ku bo tin ku lesa hopi buki tokante invento. Papia ku otro mucha i hende grandi di e bukinan ku bo a lesa. Asina bo ta bini riba mas idea.

6.



Tantu mucha muhé komo mucha hòMBER por bira inventor. Usa bo fantasia i pensa kiko bo por inventá ku no ta eksistí ainda. Si bo traha duru i sigui purba inventá algu, bo ta bira un bon inventor sigur.

### 3 Bo a komprendé?

- Promé bo yùfrou òf mener ta lesa e teksto.
- Despues abo ta les'é.
- Bo a komprendé loke bo a lesa?

### Pregunta

1. No tin skol kaminda bo por siña pa bira inventor.  
Kiko bo por hasi si bo ke bira un inventor tòg?
2. Un inventor mester por traha bon ku su man. Kiko esaki ke men?
3. Kiko asina bo por hasi pa trein?
4. Dikon bo mester kolekshoná kos bunita òf partikular di kurá òf di playa?
5. Ki sorto di eksperimentu bo por hasi?
6. Dikon ta bon pa lesa buki tokante invento i papia ku otro hende di e bukinan ei?
7. Ken por bira inventor?
8. Kiko bo tin ku hasi si bo ke bira un bon inventor?



Baiskel



1. spit

2. brek

• as

• bèl

• brek

• brek (2)

• erante

• fòrki di baiskel

• kabel di brek

• kadena

• lus di dilanti

• lus di patras

• man di baiskel

• pedal

• pòm

• reflektor

• rim

• sia

• spak

• spit

• tayer

• vèntil

• wantalodo

## 2 Mi por lesa Invento di pasta di djente

1.



Hopi aña pasá hendenan tambe tabata limpia nan djente.

Pero nan no tabatin skeiru di djente ni pasta di djente manera nos. Hendenan tabata limpia nan djente ku un pida taki ku yama stòki. Nan tabata kou riba e stòki te ora e bira moli. Na punta tabata forma un kuashi pa limpia djente.

Palu di stòki tabata krese den hòfi.

3



Tabata difísil pa pone e puiro riba skeiru di djente. P'esei tur hende tabata mashá kontentu dia a inventá pasta di djente.

E promé pasta di djente no tabata bin den tubu, pero den bòter di glas.

2



Tambe tabatin hende ku tabata limpia nan djente ku salu. Esei sí tabata malu pa djente.

Despues a inventá un sorto di puiro pa limpia djente.

E puiro tabata trahá di un meskla di kaska di webu, yerba i piedra púmís mulá. Piedra púmís ta un sorto di piedra.

4



Awendia tin tur sorto di tubu ku pasta òf djèl di djente. Tin pasta di djente komun, pero tambe tin pasta pa djente sensibel, pasta pa hasi djente mas blanku, pasta pa kuida karni di djente i hopi otro sorto mas.

5.



Pa mucha tin pasta di djente spesial.  
Pasta ku koló alegre ku smak di fruta  
òf mangel.

Mucha no gusta pasta di hende  
grandi, pasobra e pasta ei ta pika nan  
boka.

6.



Dos òf tres biaha pa dia bo tin ku  
limpia bo djentenan ku un skeiru di  
djente i pasta di djente. Bo tin ku flòs  
ku ilu di djente tambe.

Asina bo djentenan ta keda blanku i  
salú.

### 3 Bo a komprendé?

- Promé bo yùfrou òf mener ta lesa e kuenta.
- Despues abo ta les'é.
- Bo a komprendé e historia?

#### Pregunta

1. Kon hendenan tabata limpia nan djente hopi  
aña pasá?
2. Ora e hendenan kou riba e stòki e tabata bira  
moli. Kiko tabata forma na punta?
3. Di kiko e puiru pa limpia djente tabata trahá?
4. Dikon hendenan tabata mashá kontentu dia a  
inventá pasta di djente?
5. E promé pasta di djente no tabata bin den tubu  
pero den ...
6. Menshoná algun sorto di pasta di djente.
7. Pa mucha tin pasta di djente spesial. Kon e pasta  
di djente pa mucha ta?
8. Kuantu biaha pa dia bo tin ku limpia djente?  
Dikon?

**4 Vokabulario****Dentista**

Awe Luki i Ian tin ku bai dentista.  
Luki tin masha miedu mes.  
E ta kome hopi kuki i chukulati.  
E no ta skeiru djente bon mainta.  
I anochi e ta laga kranchi kore  
pòrnada i hari ku su mes den spil en  
bes di skeiru su djente.  
Kaba e ta sali for di baño i subi su  
kama drumi.

Luki, bo no sa ku bo djentenan ta  
daña?

Luki mala mucha, si dentista haña  
buraku, ta bo mes falta.

Ian sí no tin miedu di dentista.  
E ta kome fruta ora e tin gana di un  
kos di smak.

Mainta, mèrdia i anochi e ta skeiru su  
djentenan bon.

Dentista no ta haña ningun buraku.

Ian su djentenan ta salú!

**Tarea 1**

Kiko bo ta yena?

- Lesa e frase bou di kada pintura.
- Buska e palabra ku falta, den e rei  
aki bou.
- Skibi e palabra den bo skref.

**Tarea 2**

Bo sa e kontesta?

- Kuantu aña mucha tin ora nan haña  
djente nobo?
- Kon bo mester kuida bo djentenan?


- asistente di dentista
- dentista
- djente di lechi
- karni di djente



Dos biaha pa aña bo tin ku laga ... kontrolá bo djentenan.



E ta wak den bo boka ku un ...



E ta usa un ... pa chèk si bo tin buraku den bo djente.




Tambe e ta wak si bo ... ta salú.



Un ... ta yuda dentista.



Djente di mucha chikí nos ta yama ...



Si bo djentenan krese di banda, bo ta haña un ...



Tin biaha hende grandi tin djente falsu. Nan tin un ...

- korektor
- plancha
- sonda
- spil di boka

## 5 Pensa bon

### 5d Buska e palabra ku falta

- Buska e palabra ku falta den kada frase.
- Skibi e palabra korekto den bo skref.
- Bo por skohe for di:

chinesnan – interesante – inventá – nailen –  
pega – promé – semper – usa – yuda

### Invento di skeiru di djente

1. Mi ta bai konta bo un kos ...
2. Bo ke sa unda nan a ... skeiru di djente?
3. Wèl, e ... skeirunan ta na China a traha nan.
4. E ... a kue pida bambu.
5. Na dje nan a ... kabei di kabai òf porko.
6. E skeirunan ei no tabata ... dje bon ei.
7. Pero nan tabata ... pa kuida djente sí!
8. Despues nan a inventá skeiru di djente di ...
9. Awendia tin hende ku ta ... skeiru di djente eléktriko.



### 5e Koregí frase

- Tur e frasenan aki bou ta fout.
- Bo por koregí nan?

1. Dos biaha pa siman bo tin ku laga kontrolá bo djentenan.
2. Un dentista ta usa ilu di djente pa chèk si tin buraku den bo djente.
3. E asistente di dentista ta yuda nos dòkter di kas.
4. Si bo djentenan krese di banda, bo ta haña un plancha.
5. Djente di mucha nos ta yama djente chikitu.
6. Pa mucha chikí tin pasta di djente ku smak di menta.
7. Awor ku mi tawela no tin djente mas, el a haña un korektor.





**2 Mi por lesa**

**Bon invento**

1.




Kasi tur kos ku tin na skol òf na kas, hende a inventá un dia. Laga mi konta bo di algun invento masha bon.

3.



Den djins òf karson tin zip. Den shimis òf saya tin zip. Den butsnan òf lars tin zip.  
Bo sa kon zip a nase? Un mener ku yama Judson tabatin un amigu ku tabata sufri di doló di lomba.  
Tur dia e tabata pasa trabou pa mara su feternan di butsnan. Mener Judson kier a yuda su amigu i asina el a bini riba e idea di traha un zip pa e butsnan.


2.



Antes tur beibi tabata bisti bruki di tela. Un yuchi ta susha su bruki vários biaha pa dia. Bo mes por pensa kuantu paña pa laba e mamanan tabatin den e tempu ei. Riba un dia mener Viktòr Mills a inventá un bruki ku por usa i tira afó despues.

El a inventá e bruki pa su ñetu. For di e dia ei tin pèmper i tur mama ku tata ta kontentu.

4.



Antes polis tabata regla tráfiiko. Na komienso di siglo pasá nan a pone e promé lus di tráfiiko eléktriko na un krusada na Merka.

E promé lus di tráfiiko tabatin lus kòrá i bèrdè so.

Despues a bini lus oraño aserka.



5.



Bo ke sa kon nan a inventá 'potato chips'? Un dia un merikano riku a bai kome den un restorant. E no tabata gusta e batata ku nan a sirbié. El a manda su kuminda bèk kushina. E kòki, mener Crum, a rabia. Pa malu el a slais e batatanan pa e merikano mashá fini mes. El a hasa nan den zeta i pone salu ariba. Pero e merikano a haña e batata hasá masha dushi. El a hasi propaganda i asina 'potato chips' a nase.

6.



Hopi, hopi aña pasá ya tabatin plancha. Nan tabata traha plancha di djente di bestia. Tambe nan tabata pone djente di oro aserka. Despues a bin plancha ku djente di ivor. Hende pober no por a paga un plancha asina. Nan tabata keda sin djente. Ta siglo pasá numan a kuminsá traha plancha di rùber.

### 3 Bo a komprendé?

- Promé bo yùfrou òf mener ta lesa e kuenta.
- Despues abo ta les'é.
- Bo a komprendé e historia?

### Pregunta

1. Ki sorto di bruki beibinan tabata bisti ántes?
2. Ken a inventá bruki ku por usa i tira afó despues?
3. Pa ken e mener a inventá e bruki ei?
4. Kon bini mener Judson a kai riba e idea pa inventá zip?
5. Ken tabata regla tránsito ántes?
6. Na unda e promé lus di tránsito a paresé?
7. Kua koló di lus e promé lus di tránsito tabatin?
8. Kiko a pasa dia un merikano riku a bai kome den un restorant?
9. Dikon kòki Crum a slais e batatanan di e merikano riku masha fini mes?
10. Kiko e kòki a hasi ora el a kaba di hasa batata pa e merikano?
11. Kon 'potato chips' di e kòki rabiá a bira konosí?
12. Di kiko e promé planchanan tabata trahá?
13. Ki tempu a kuminsá traha plancha di rùber?